



Aelan blong ol Dakdak

Eunice Simbolo i raetem buk ia



David Tovovur i droem pikja long buk ia

**Ministri blong Edukesen,
Repablik blong Vanuatu**



Not blong ol Tija

Buk ia hem i stret blong ridim wetem ol pikinini long Yia 1 mo 2. Sam pikinini long klas ia bae i no save rid olgeta wan. Be ol nara pikinini long nara klas we i save rid gud bae ol i save yusum buk ia tu.

Ol tija i save yusum buk ia long plante difren wei. Sapos i gat pepa, ol tija i save mekem buk ia i kam bigwan moa blong yusum wetem ol pikinini.



Curriculum Development Unit i pablisim buk ia long 1993.

Copyright © Ministri blong Edukesen, Port Vila, Vanuatu.

Buk ia oli mekem anda long wan projeck blong Vanuatu Buk
Produksen we New Zealand kavman nao i givim mani blong hem.





Aelan blong ol Dakdak

Eunice Simbolo i raetem buk ia



David Tovovur i droem pikja long buk ia

**Ministri blong Edukesen,
Port Vila,
Republik blong Vanuatu
1993**



Long wan moning taem ren i stap ren,
mama dakdak i karem ol bebi blong
hem i go long reva blong swim.



Hevi ren i bin foldaon long ful dei ia mekem se i gat plante wota long reva ia.

Reva i ron spid we i ron spid.

Mo tu i swelap i kam antap bigwan.

Hem i wasem mama dakdak wetem ol bebi dakdak ia i go long solwota.





I gat wan bigfala wud i stap flot long solwota.

Mama dakdak wetem ol bebi dakdak i jam i go antap long wud ia.

Ol weiv i wasem wud ia i go so long wan aelan.

I nogat man i stap long aelan ia.

5





I no longtaem ol dakdak ia i gro i kam bigwan,
mo i gat plante eg mo plante smol dakdak.



Taswe nao aelan ia i karem nem blong hem
se “Aeland blong Dakdak.”

